



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.31. S. Ludgeri virtutes & obitus.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

S. Ludgeri Virtutes & Obitus.

Sanctus Ludgerus urgente zelo animarum etiam ad Fidem prædicandam Normannis, id est, Danis aliisque Septentrionis populis abiisset, nisi eum Caroli Regis mandata retinuissent. Vir Sanctus hos populos Francorum Regni partem devastaturos tali tempore, quo necdum timebantur, vaticinatus est, & sorori suæ Heriburgæ prædixit, ipsam hæc mala spectaturam esse, se vero ea non visurum. In sacris Scripturis apprime eruditus singulis diebus mane Discipulos suos docebat. Ut ostentationis suspicionem removeret, vestes, quæ Dignitatem suam decebant, gerebat. Cucullum deposuit, nullo voto ad Regulam Monasticam adstrictus; sed cilicium retinuit, quia sub vestibus latens a nemine notari poterat. Quibusdam temporibus carnes manducabat, semper sobrietatis studiosissimus. Ad alterius mensam invitatus, nullos nisi de rebus piis sermones afferebat, & post moram brevem recedebat. Pauperibus comis, superbis divitibus constans & severus.

S. Ludgerus promptè omnes redditus tam patrimonii quam Ecclesiæ suæ erogabat, nec aliquid ad ornandam novis ædificiis Ecclesiam vel pretiosa vasa comparanda

Sæculum IX. paranda reservabat. Hinc aliqui occasio-
nem prenfarunt, eum apud Imperatorem

A. C. 804.

accusandi, quod sua dilapidaret. Im-
perator ad Regiam accersitum quadam
die tempore matutino per Cubicularium
ad se vocat. S. Episcopus preces suas
recitabat, dixitque Cubiculario, ventu-
rum se, quamprimum preces absolvis-
set. Et diutius cunctatus ter jubente
Imperatore vocatus tandem comparuit.
Tum Imperatori id sibi objicienti respon-
dit: *Existimavi, Deum hominibus & ti-
bi ipsi esse præferendum, quoniam hanc
Doctrinam mihi suggestisti, cum Episco-
pus esse jussus sum.* Reposuit Imperator:
Talem te esse video, qualem credebam;

Annon. c. 33.

bo. Tantam animi collectionem S. Lud-
gerus in recitando Officio Divino exi-
gebat, ut cum aliquando noctu in suo
cubiculo cum Clericis suis illud persol-
veret, & unus eorum ad focum compo-
nendum & avertendum fumum se incli-
nasset, ipsi aliquot dierum poenitentiam
injunxerit.

Extremo morbo laborans, pietatis
opera, quibus adsueverat, non dimisit.
Singulis ferme diebus sacris operabatur,
& pridie, quam moreretur, in duabus Ec-
clesiis dixit ad populum. Obiit vero
anno octingentesimo nono, vigesima sex-
ta Martii, qua die Ecclesia ejus memo-
riam

Mart. 26.
Mart.

riam colit. Corpus in ipsius Ecclesia as-
servatum, usque dum Frater ejusdem
Hildegrius Episcopus Catalauni adve-
nisset, qui illud in Ludgeri Monasterio
Verdensi vigesima quinta Aprilis sepeli-
vit. S. Ludgerus in Sede Mimigerne-
fordiensi Successorem habuit Gerfridum
Nepotem, cui successit Altridus, vitæ
S. Ludgeri Scriptor, ex iis, quæ a Fratre
ipsius Episcopo Hildegrius, sorore Heri-
burga Sanctimoniale, Nepote ejusdem
Gerfrido Episcopo, & quibusdam aliis,
didicerat.

Sæculum IX.

A. C. 804.

§. XXXII.

Concilia Cloveshoæ.

In Anglia Adelardus Cantuariensis sub *to. 7. Conc.*
idem tempus duo Concilia Provincia- *p. 1153.*
lia Cliffæ, quæ tunc Cleveshoa diceba-
tur, celebravit. Primum anno octin-
gentesimo actum creditur, Quenulfo
Rege præsentem, ubi postquam Fidem ex-
aminassent, & cognovissent, esse ean-
dem, quam a S. Gregorio accepissent, *to. 7. Conc.*
de usurpatione Bonorum Ecclesiastico- *p. 1053.*
rum tractarunt; quippe etiam quarum-
dam Ecclesiarum Tabulæ surreptæ fue-
rant. Tum Archiepiscopus etiam pa-
ctum aliquod permutationis cum qua-
dam Abbatissa initum, ratum haberi
voluit.

Alte-